



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

7689

B39

UC-NRLF



\$B 291 067

YB 41380

GIFT OF
JANE K.SATHER



EX LIBRIS

7689
B39



SATHER

10-3220

**ANTIQUITATIS PLAUTINAE
GENERATIM ILLUSTRATAE
PARTICULA PRIMA**

**QUA EXPLICANTUR ATQUE EMENDANTUR LOCI
AD ARTIS OPERA SPECTANTES.**

SCRIPSIT

ET

**AMPLISSIMI PHILOSOPHORUM ORDINIS
AUCTORITATE**

A. D. III. ID. IANUARIAS

**ILLUSTRIS ICTORUM ORDINIS CONCESSU
IN AUDITORIO IURIDICO**

PUBLICAE DEFENDET

GUILIELMUS ADOLPHUS BECKER

ARCHAEOLOGIAE PROFESSOR E. O. DES.



**L I P S I A E,
APUD FRIDERICUM FLEISCHER.**

MDCCCXXXVII.

Latin SATHER

ANTIQUITATIS PLAUTINAE

GENERATIM ILLUSTRATAE

PARTICULA PRIMA

**QUA EXPLICANTUR ATQUE EMENDANTUR LOCI AD ARTIS
OPERA SPECTANTES.**

829014



Bene, hercle, factum est et condigne, ut qui per duo ferme saecula neglectus turpique situ deformis iacuerat comoediae Romanae princeps*), eum nostra aetas diligentius curari eruditorum virorum studiis, purgarique et ex parte nitescere rursus videret. Nam post Camerarii et Parei religiosam diligentiam, si omiseris Gronovii quasi velitationem et paucas in locos selectos scriptas animadversiones, ad nostrum usque saeculum vix quisquam commemoratione dignus Plauti patrocinium suscepit; sed tanta doctorum virorum corda occupaverat socordia, ut Ernestius in praefatione editionis suae minime optabile esse affirmaret, „homines doctos rursus eo delabi errore opinionis, ut sicut in Terentio factum sit a Bentleio, ita ad leges poeticas refingi velint Plautum.“

Primus huius saeculi annus primam salutis spem Sarsinati poetae attulit, quum Trinumnum Godofredus Hermannus, unam e praestantioribus fabulam, emendatam et ad sua metra revocatam in lucem emisisset. Qui vir ingenio atque eruditione aequae admirabilis utinam totum nobis Plautum, aut plures saltem fabulas ad illius exemplum dedisset! Sed tamen

*) Cf. Niebuhr: Ueb. die als untergesch. bez. Stellen im Plautus. Abh. d. Berl. Ak. 1816. 17. Hist. phil. Cl. p. 279.

quum exemplo esset, et edita doctrina metrica Plautinis quoque versibus constituendis viam munivisset; secuti sunt alii, inter quos Lindemannus non dubito quin aliquantulum Plauto profuturus fuisset, si minus festinanter rem gressisset, et diligentius Palatinorum codicum vestigia pressisset.

Laetio rem spem portendere Plauto videbantur novissimae Epidici et Bacchidum editiones, quarum alteram Fridericus Iacob, alteram eamque duplicem emisit Ritschelius. Ac Ritschelio quidem magna habenda est gratia, quod omnium primus tam Palatinorum quam aliorum codicum editionumque memorabilium scripturae diversitatem diligentissime notavit, qua sola fieri potest ratione, ut incertae originis vulgata, coercita coniectandi libidine, tamquam ad Lydium lapidem exigatur. Itaque quamquam in locis haud paucis a viro doctissimo dissentio, tamen salutarem eius operam Plauto fore non dubito, quidquid clamitent obstrepantque Palatinorum codicum osiores. Cogitet tamen „insanum magnum eum moliri negotium,“ qui ad digerendam ac refigendam istam molem sese accingat, neque multum prodesse amplissimum apparatus, nisi accedat plenissima, non modo sermonis Plautini, verum etiam prosodiae atque metricarum, quas ille quidem secutus est, legum cognitio atque intima quasi familiaritas,

Nam in examinandis Bacchidum editionibus vidi dubitanter eum quaedam proferre, quae sunt certissima, multa praetermittere aut corrigere, quae ex eadem lege erant iudicanda, denique nimium inter-

dum obsequi Palatinorum codicum auctoritati, et quamquam aliud est mcae disputationis institutum, quam ut cuiusvis generis corruptos scriptoris locos emendem, tamen quoniam nihil impedit praemitti quasdam observationes eo pertinentes, ipse autem, ubi ex argumento agendum erit, liberius agere potero, leges, quibus teneri me existimem, professus, partem hanc criticam non omittam.

Ac primum quidem cavendum erit, ne nimii librorum Pall. admiratores non tam religiose, quam superstitione auctoritatem eorum sequamur, quandoquidem eos quoque graviter esse corruptos arguit consensus cum vulgata, ubi certissima sunt depravationis indicia, arguunt monstra verborum, et scriptura interdum vulgata manifesto deterior.

Quius rei primum exemplum ponam Bacch. II, 3, 45 sq.

Dum circumspecto atque ego lembum conspikor:

Longum est rigorem maleficum exornarier.

Nihil opis ferunt Pall. loco corrupto, quem aliter alii, sed infeliciter omnes emendare conati sunt, *strigoris*, *strigoris* et *triconis* vocabula Plauto obtrudentes. A quibus ita recessit Weisius, ut Bothium scilicet secutus totum versum tamquam a Plauti manu non profectum eiiciendum clamitaret. At, puto, si insertus fuisset ab interpolatore (liceat enim uti mihi barbara voce, usu fere recepta), sententia tamen aliqua in verbis esse deberet, nunc autem nulla est, nisi forte eam Weisius esse putat, ut dicat Chrysalus: nolle se scelestorum hominum conatum multis ex-

quum exemplo esset, et edita doctrina metrica Plautinis quoque versibus constituendis viam munivisset, secuti sunt alii, inter quos Lindemannus non dubito quiri aliquantulum Plauto profuturus fuisset, si minus festinanter rem gessisset, et diligentius Palatinorum codicum vestigia pressisset.

Laetio rem spem portendere Plauto videbantur novissimae Epidici et Bacchidum editiones, quarum alteram Fridericus Iacob, alteram eamque duplicem emisit Ritscheli. Ac Ritschelio quidem magna habenda est gratia, quod omnium primus tam Palatinorum quam aliorum codicum editionumque memorabilium scripturae diversitatem diligentissime notavit, qua sola fieri potest ratione, ut incertae originis vulgata, coercita coniectandi libidine, tamquam ad Lydium lapidem exigatur. Itaque quamquam in locis haud paucis a viro doctissimo dissentio, tamen salutarem eius operam Plauto fore non dubito, quidquid clamitent obstrepantque Palatinorum codicum osiores. Cogitet tamen „insanum magnum eum moliri negotium,“ qui ad digerendam ac refingendam istam molem sese accingat, neque multum prodesse amplissimum apparatus, nisi accedat plenissima, non modo sermonis Plautini, verum etiam prosodiae atque metricarum, quas ille quidem secutus est, legum cognitio atque intima quasi familiaritas,

Nam in examinandis Bacchidum editionibus vidi dubitanter eum quaedam proferre, quae sunt certissima, multa praetermittere aut corrigere, quae ex eadem lege erant iudicanda, denique nimium inter-

dum obsequi Palatinorum⁷ codicum auctoritati, et quamquam aliud est meae disputationis institutum, quam ut cuiusvis generis corruptos scriptoris locos emendem, tamen quoniam nihil impedit praemitti quasdam observationes eo pertinentes, ipse autem, ubi ex argumento agendum erit, liberius agere potero, leges, quibus teneri me existimem, professus, partem hanc criticam non omittam.

Ac primum quidem cavendum erit, ne nimii librorum Pall. admiratores non tam religiose, quam superstitiose auctoritatem eorum sequamur, quandoquidem eos quoque graviter esse corruptos arguit consensus cum vulgata, ubi certissima sunt depravationis indicia, arguunt monstra verborum, et scriptura interdum vulgata manifesto deterior.

Cuius rei primum exemplum ponam Bacch. II, 3, 45 sq.

Dum circumspecto atque ego lembum conspikor:

Longum est rigorem maleficum exornarier.

Nihil opis ferunt Pall. loco corrupto, quem aliter alii, sed infeliciter omnes emendare conati sunt, *strigoris*, *strigoris* et *triconis* vocabula Plauto obtrudentes. A quibus ita recessit Weisius, ut Bothiam scilicet secutus totum versum tamquam a Plauti manu non profectum efficiendum clamitaret. At, puto, si insertus fuisset ab interpolatore (liceat enim uti mihi barbara voce, usu fere recepta), sententia tamen aliqua in verbis esse deberet, nunc autem nulla est, nisi forte eam Weisius esse putat, ut dicat Chrysalus: nolle se scelestorum hominum conatum multis ex-

ornare. Hoc autem quam sit ineptum indicio est infinitivus passivus et nova rigoris significatio. Neque potest ullo modo abesse versus, nisi antecedentis quoque sententia iuguletur. Nam quid, obsecro, tam formidolosum in isto lembo fuit, quum plures haud dubie in portu starent naves? — Ipse tamen Rothius recte vidit apodosin esse in verbis: *atque ego lembum conspicer*, ut Epid. II, 2, 33.

Quam ad portum venio: atque ego illam illic video praestolarier.

Merc. II, 1, 32.

Postquam hic quod volui transigi: atque ego conspicio

Navam ex Rhodo.

Virg. Georg. 1, 202.

— — — — — *si brachia forte remisit:*

Atque illum in praecipis prono rapit alveus amni. similiter Graecarum particularum καὶ τότε apud Homerum usui. — Iam manifestum dicam esse, infinitivum *exornarier* pertinere ad istum lembum, copulam autem est, quae per compendium scribitur et commutandam cum praepositione totumque locum levi mutatione sublataque interpunctione in hunc modum esse scribendum:

Dum circumspecta: atque ego lembum conspicio

Longum e regione maleficum exornarier.

Lembum e regione, i. contra, ex adverso suae navi in portu stantem, exornari vidisse se mentitur Chrysalus, atque inde insidiarum suspicionem fuisse.

Eiusdem consensus exemplum est Trin. I, 2. 55.

*Sunt, quos scire esse amicos; sunt, quos suspicor;
Sunt quorum ingenia atque animos non possum
noscere,*

Ad amici partem, an ad inimici perveniant.

Medium horum versuum vitiosum esse, docet syllabarum numerus metrum excedens, et fuit olim, qui rectius scriberet, omisso primo vocabulo. Hodie autem reducta voce ita scribitur versus:

*Sunt quorum haud possum ingenia atque animos
noscere.*

Non recte. Quae enim sunt tria ista amicorum genera? Primum, quos certo scit esse. Alterum, quos suspicatur: eos, puto, non pernoverat. Accedit tertium, quorum etiam animos non pernovisse se ait. Vides v. 55. 56. esse explicationem verborum: *sunt quos suspicor*, quare delendum est *Sunt*. Locum paene gemellum habes Merc. V, 1, 10.

Ubi qui amici, qui infideles sint, sequas pernoscere. Fit autem hoc persaepe, ut tam in principio versus, quam in fine aut adscriptae, aut omissae sint voculae. Ita Poen. I, 2, 61. quod initio versum est: *Et* vel *En*, unde Bothius fecit *Hem*; abiiciendum est, ut versus hic sit:

Monstrum mulieris tantilla tanta verba funditat.

Nempe originem debet utraque particula postremis antecedentis versus literis *ent*. Omissionis autem in principio versus exemplum puto esse Bacch. IV, 9, 4.

*Atridae duo fratres cluent fecisse facinus maximum,
Cum Priami patriam, Pergamum, divina munitum
manu*

*Armis, equis, exercitu atque cunctis bellatoribus;
 Millemum numero navium decimo anno post sub-
 egerunt,*

ubi *millemum* dicant esse pro millenarum, i. mille navium. Equidem persuasissimum habeo errorem ortum esse primis sequentis vocabuli literis *num* his scriptis librarii culpa, et suspicor olim fuisse: *Et mille numero navium*, cui coniecturae maiorem fidem facit locus Ciceronis, Verr. I, 18: *et ne Perseas quidem, cum bellum toti Graeciae, diis hominibusque indixissent, et mille numero navium classem ad Delum appulissent* (qui et ipse probus est tetrameter); non enim miror in Cicerone Plautinae orationis vestigia. Caeterum in nostro loco particula abesse vix potest. In fine omissum vocabulum videtur Most. I, 3, 48.

Solam ille me soli sibi suo liberabit,
 ubi vulgo post *suo* inseritur *quem*. At tum saltem scribendum erat *liberavit*; abest autem vox a Mss. Legendum puto:

Solam ille me soli sibi suo liberavit aere.
 Ultimum addam exemplum pravi Pall, cum suspecta vulgata consensus, Bacch. I, 1, 75:

*Sequere hac igitur me intro in lectum, ut sedes
 lassitudinem.*

in quo versum fortasse miraberis quid vitiosum ducam esse. Quid enim magis convenit, quam ut lassae Bacchis in lecto cubans corpus reficiat? Fateor, sed tamen quum comparo v. 72. *aqua calet. eamus hinc intro ut laves, nam ut in navi vecta es, credo timida es,*

miror quae imodo lavatum sororem iusserit abire, quomodo rursus in lectum sequi iubeat. Inde coniicio legendum esse:

Sequere hac igitur me intro lotum, ut sedes lassitudinem.

Nam lavando veteres optime refici corpus et defaecari putabant. Truc. II, 3, 7.

Mibi quoque prae lassitudine opus est ut lavem.

Aristoph. Ran. 1278 sqq.

ὦ Ζεῦ βασιλεῦ, τὸ χρεῖμα τῶν κόπων ὅσον.

ἔγὼ μὲν οὖν ἐς τὸ βαλανεῖον βούλομαι.

ὑπὸ τῶν κόπων γὰρ τὸ νεφρὸν βουβωνιῶ.

Post lavationem patius in lecto cubare aequum fuit. vid. Ter. Eun. III, 5, 45.

Jam portenta verborum, in Pall. minime rara, nolo commemorare, plerorumque enim emendatio facilis est. Sed quod illorum librorum scripturam interdum manifesto deteriore esse dixi vulgata, id satis habeam uno demonstrasse exemplo, petito e Bacch. IV, 7, 17.

O stulte, stulte, nescis nunc venire te,

Atque in eo ipso astas lapide ubi praeco praedicat,
Hic quod in Pall. est; *ut praeco praedicat*, nunquam recepisset in textum Ritschelijs, si simul explicandorum verborum subiisset officium. Nam si scriptum esset; *atque in ipso astas lapide*, non haberem quidem quo explicarem verba *ut praeco praed.* sed nihil tamen ad explicanda antecedentia desiderarem. Nunc quoniam adiectum est *eo*, necesse est accedat aliqua relativa sententia, quae ad ipsum pronomen perti-

neat. Dicit autem Chrysalus quasi venalem haberi senem, neque ipsum sentire, quum tamen in eo ipso lapide astet, ubi, i. iuxta quem praeco praedicet, nimirum suggesto in quo exponebantur servi per praeconem venales. — Quod si quis pronomina referre velit ad antecedentia: *nescis venire te*, ut suppleatur: eo ipso lapide *ubi veniunt servi*, non credam facile, Plautum usum esse oratione tam *aliquatam*; cui Oedipode coniectore opus foret. — Nempe vitii suspicionem habet versus eam, quod dactylum excipit anapaestus. vid. Herm. Elem. M. p. 131 sqq. Qua si nunquam negligentius forma usus est Plautus — video enim corrigenda esse permulta — in nostro versu transponenda sunt vocabula: *praeco ubi praedicet*, aut statuendum est denique, totam in lapide communi pronuntiatione extritam fuisse medianam vocalem.

Haec ego, quamquam silvae plurimam video superesse, satis habeam monuisse contra nimiam Pall. admirationem, qui ut integrioribus reliquis, non tamen ita sunt integri libri, ut omnibus locis vulgata ad eorum scripturam refingenda videatur.

Transego ad prosodiam, cuius rationem nondum etiam satis perspectam esse video, maxime quod attinet ad correptionum quaedam genera. Neque enim certas tantum dico esse quarundam syllabarum correptiones, ut in vv.: *domi, manus, viro, fores, foras, boni, dolos, potest, quidem, satis* — *ipse, atque, nempe, unde, inde* atque aliorum, quae vulgares admodum sunt, ut mirari subeat, his vocibus deceptos esse edi-

tores, qui emendarent locos integerrimos. Quod Jacobus fecit Epid. I, 1, 11.

Quam quidem te iam diu perdidisse oportuit.

Is ut tetrametrum efficeret trochaicum pro *diu* scripsit *duello*. Satis honesta, puto, fuisset poena, si bello potius, non carnificis manu perdidisset. Dicit autem Epidicus, Thesprionis laevam dudum dignam fuisse, quae ferro praecideretur, quod interdum fuisse videtur atrocius furtorum supplicium. Certe in Suetonio (Calig. XXXII.) memini me legisse, servo in coena publica quam laminam argenteam lecto detraxisset, manus esse abscissas, eademque poena animadversum esse in falsarium. (Claud. XV.) Atque non infrequens fuisse id genus supplicii docent Livii libri et Caesaris commentarii. cf. Capt. III, 5, 10. Plauti versus est senarius in quo et *quidem*, et *diu* una syllaba pronunciantur. Praeter hunc in eadem scena sunt senarii vv. 4. 44. 45.

Sed in legendo iterum iterumque Plauto leges quasdam correctionis mihi videor reperisse, genera quaedam vocabulorum complectentes. Qua in re si quis erroris me idoneis argumentis convincat, cedam; nunc ita visum est.

Primum enim haud raro fieri video, ut quae litteram *o* sequitur brevis syllaba, ita corripiatur, ut sola consonans audiatur, non solum in substantivis, qualia sunt *avis*, *navis*, *avos*, *Jovis*, quod notissimum est, verum etiam in verbis, eamque rem adumbratam invenio ab Hermanno, Elem. metr. p. 65. nisi quod latius hanc legem patere atque voces integras ser-

vandas arbitror. Hodie quidem diligentes admodum sunt viri docti in corrigendis huius generis locis contra librorum scripturam et plerumque cum magna sententiae detrimento. Videamus exempla. *Poen. I, 2, 9 sq.*

*Nam nōs usque ab aitrora ad hōc quod dictū est
Ex industria ambae nunquā concessuimus
Lavāri, fricari, tergeri, aut orndri.*

Praetereo diversitatem scripturae, ex qua v. 9 pars prior paullum immutata redit; postquam aurora illuxit, nihil enim eo mutatur in altero hemistichio. Ibi vero correctum est: *concessamus*, quod quo argumento defendi possit, non video. Prodeunt enim mulieres facto ornatu parataeque quae abeant ad aedem Veneris, et queritur Adelphasium, tantum se temporis in componendo ornatu consumpsisse. — Non magis recte *Mil. II, 2, 18,*

*Mōdo nescio quis inspectavit vōstrōrum familiidrium
Per nostrum impluvium intus etc.*

quum praesens tempus a narratione alienum esset, ediderunt *vostrum*. Neque *Trin. II, 2, 1.*

Quo illic homo se foras penetravit ex aedibus? quidquam licet mutare. Dudum enim exierat *Lysiteles*. In *Bacchidibus* autem *V, 1, 11.* eodem modo legendum puto *memoravit*, quamquam ibi metri ratio impeditior est, ut dubitari posse fatear. Neque aliter *Pers. IV, 4, 3.*

Nūquid in principio cessavit verbum doctum dicere? *Most. I, 2, 60.*

Huéc verocândiam mi ét virtutis modum

Déturbarit, éxuit, detéxitque a me illico.

et Bacch. IV, 9, 94.

Prius té carisse ergo quâm pudere aequôm fuit.

Eodem refero Truc. III, 2, 17.

— — — — — *is:aece ridicularia*

Cavillâtiones vis fortasse dicere?

Trin. IV, 1, 10.

*Pauperibus te parcere solitum, divites damnare
atque domare.*

Capt. I, 2, 67.

Prognâtum genere summo et summis divitiis.

cf. Terent. Heaut. I, 2, 20. III, 2, 16. Plaut. Menaechm. V, 3, 12.

Atque éccum incedit, movet fornicinâm gradum.

atque ibidem legendum puto: V, 8, 76.

*Hunc censebat te ésse, credo, quâm vocavit te ad
prândium.*

Quare non metuendum erat Ritschelio, ne non ferenda esset omnium librorum scriptura Bacch. II, 2, 14.

*Quia si illa inventa est, quam ille amat vixit recte
ét valet.*

An vero longae duae syllabae etiam coaluerint, non ausim certo affirmare. Certe fidem facere videtur locus Menaechm. I, 3, 2.

Idem istuc aliis adscriptiois ad légionem fieri solet.

Aliud idque frequens admodum correptionis genus est, quum geminantur consonantes literae. Eo enim

adducor exemplorum copia, ut omnem syllabam, quae est ante consonantem geminatam, pro ancipite habitam credam, sive in media voce sit illa positio, sive vocabulum consonante litera terminatum sequatur aliud ab eadem litera incipiens. Neque vere recondita, cur ita fiat, est causa. Nam si quis comparaverit haec vocabula: *nullus* — *multus*, *pellis* — *pelvis*, *cassus* — *castus*, *commeo* — *competo*, *verreus* — *vertere*, vel Germanica: *Wellen* — *Welten*, *Masse* — *Maste*, *Kanne* — *Kante* atque similia, fatebitur alteram positionem altera multo esse debiliorem. Atque hinc Franco - Gallorum grammatici, pauci illi, qui pleniore sapiunt pectore, geminatas consonantes ita fere iubent pronunciari, ut una tantum audiatur. Non igitur mirum Plautum, communem pronunciationem secutum, syllabis illis pro ancipitibus usum esse. Neque apud Plautum tantum eam admitti correptionem certum est, verum aliquot apud Terentium quoque locis, non solum in vocc. brevioribus, *ille*, *esse*, *posse*, sed in aliis pariter. Quod quum praeterierit viros doctos, dici vix potest, quot ex hoc fonte fluxerint coniecturae. Atque Ritscheliuss ad Bacch. I, 1, 57.

Ille quidem hanc abducet tu nullus adfueris, si non lubet.

suspiciatur tamen, fieri fortasse posse, ut *nullus* priorem corripit, quo nihil certius dici debuit. E magno exemplorum numero aliqua saltem commemorem. Mil. IV, 4, 44.

Id connexum in humero laevo; expapillato brachio.
Asin. I, 3, 88.

Purtitorum simillimae sunt iunuae lenimiae.
Epid. III, 1, 13.

*Quippe tu mi aliquid, aliquo modo, alicunde ab
aliquibus blatis.*

ib. III, 4, 27.

Mihi illam ut tramittas, argentum accipias.

Menaechm. II, 3, 82.

*Tum facito ante solis occasum ut venias adversum
michi.*

haec enim ibi est scriptura Pall. Trin. II, 1, 16.

Quam extemplo sudvūs sagittātis percūssu'st.

ubi fortasse legendum: *Quom extemplo.* vid. Rud.
IV, 3, 40. Trin. III, 2, 99. Bacch. II, 3, 70. Capt.
IV, 2, 6. Nam exclamatio, quam unice veram dicit
esse Lindemannus, ab hoc loco alienissima est. Item
Aulal. III, 5, 36.

Flammedrū, violadrū, carindrū.

Mil. II, 2, 68.

Intercludito inimicis comedum tibi muni riam.

Capt. V, 4, 4.

Ubi labore lassitudo omni'st exigenda e pectore.

Trin. II, 4, 20.

Pol opinor affinis noster aedes vendidit.

ubi Acidalius correxit *opino.* ib. IV, 2, 28.

Aperite hoc, aperite, heus. ecquis his foribus tutelam gerit.

Mil. IV, 5, 16.

At scietis. sed ecqua ancilla est illi? Est primordia.
ib. IV, 5, 16.

Moderare animo. ne sis cupidus. sed ecceam ipsa egreditur foras.

atque ita in hac voce saepissime. Add. Bacch. III, 6, 41.

Postremo si pergis parum mihi fidem arbitrari.
Tollam ego te in collum.

Mil. III, 1, 103.

Tum obstetrix expostularit mecum parum missum sibi.

Merc. II, 3, 46.

Idem non vereor, ne illam me amare hic potuerit resciscere.

Capt. I, 2, 32.

Ossa atque pellis sum misera macritudine.

Menaechm. II, 1, 10.

Istrós, Hispanos, Massilienses, Illyrios.

Asin. III, 1, 21.

Quid dedit? quid deportari iussit ad nos? an tu tibi Verba blanda esse aurum rere?

Poen. I, 2, 64.

Quid habetis qui mdge immortales vos credam esse quam ego siem?

Fortasse aliqua ex parte huc pertinet id quoque,

quod interdum syllaba ante literam *z* corripitur.
Bacch. I, 2, 40.

*Dic modo unde auferre me vis? d quo trapezit i
peto?*

Trin. II, 4, 23.

Trapezitae mille drachmarum Olympicum

Quas de ratione debuisti redditae.

Quamquam in postremo loco mille corripitur potest.
Aul. III, 5, 42.

Straphidrii astant, distant semizonidrii.

Verum ne taedium afferat nimia exemplorum copia, video occurrendum esse satietati lectorum. Itaque defungar iam hoc demonstrationis munere, postquam Terentii locos quosdam adiecero. Atque ut est hic in re metrica modestior, proculque ab ista licentia rem gerit, rariores apud eum esse correptiones consentaneum est. Praeterea emendatricem pleraeque manum expertae sunt, et feliciter e textu fabularum expunctae rariae superant, ut Andr. II, 1, 2.

*Qui scis? Apud forum modo e Davo audiui. Vaeh
miseró mihi.*

Neque enim modo monosyllabum esse potest. At eiusdem scenae v. 33.

*Reddidisti animum. Nunc si quid potes, aut tu,
aut hic Byrrhia.*

creticum veritus Bentleius correxit redduxi. Idem
IV, 1, 37.

Vis me uxorem ducere; hanc vis amittere; ut poteró feram.

eam. Faerno scripsit *mittere*, causam addens, quod amittatur uxor iam domum ducta, mittatur, quae nondum ducta sit. At primum Glycerium Pamphilus pro uxore habuerat (I, 1, 119.), deinde Plauti Miles Philocomasium missurus pariter dicit IV, 1, 36:

Placet ut dicis, sed ne istanc amittam, et haec mutet fidem.

Porro Andr. IV, 1, 17.

Multum. molestus certe ei fuero atque animo morem gesserō.

correxit: *Nā? molestus* etc. et ib. IV, 1, 37.

Instare ut dicerem me esse ducturum patri.
delevit esse, quod in omnibus est libris. Adde Phorm. II, 4, 24.

Sed eccum ipsum video in tempore huc se recipere.
Atque in Heautontimorumenō V, 2, 45.

Tam facillume patris pacem in leges conficiet suas.
non dubito, quin rectius *facillume* secundam, quam *patris* posteriorem corripiat. Sed huic loco a Bentleio male habito suos restituamus numeros. Verba a v. 41. haec sunt:

SYR. *Suspicionem istanc ex illis quaere. rem profer palam. aut*

Si non est verum, ad misericordiam ambos adducēs cito.

Aut scibis cuius sis. CLIT. *Recte suades. faciam.*

SYR. *Sat recte hoc mihi in Mentem venit. namque adolescens quam in minima spe situs erit,*

Tūc facillime patris pacem in leges coarctasti suas.

*Etiam haud scio an usūrem ducat, de Syro nū-
gratias.*

*Quid hoc autem? senex est foras. ego fūgio. ad-
haec quod fūctum est*

Miror etc.

Bentleius ut vv. 44 — 46. daret iambicos, v. 44. in praeposuit scripsitque *difficillime* et *anne*; nam in mediis iambicis nulla causa, nullo more trochaicum intervenire ait. At recte mutatur numerus, quoniam abierat Clinia, et secum loquitur Syrus. Rursus mutatur a. v. 47. quoniam exiens senex Syrum de salute sua cogitantem territat et fugat. In eadem fabula IV, 7, 1. non eiiciendum erat *est*, sed legendum:

CHR. *Ubi Clitipho nunc est?* SYR. *eccū me inq̄s.*

CLIT. *eccū hic tibi.*

quae verborum mensura eo quoque commendatur, quod properanter Syrus suppeditat adolescenti, quid respondeat patri.

Atque haec quidem hactenus. Dicat autem fortasse aliquis, magnam locorum, quos commemoravi, partem facili negotio corrigi posse? Fateor; possum et ego. Verum si nulla est in Mss. varietas; si in sententia nihil est, quod reprehendas; si parte emendata tamen haud pauci superant loci, a quibus omnis vitii suspicio abest, quos sanos esse tota ratio ita docet, ut dubitationi ne locus quidem relictus sit: sentio de communi potius lege, e qua metiri versus possimus quam de emendatione cogitandum esse.

Metricas autem rationes quod attinet, quae in Plauto, ut sciunt omnes, sunt impeditissimae, tum propter turpem codicum depravationem, tum quod ea est et tam frequens mutatio numerorum, ut in eadem scena interdum Bacchiacos et Creticos, iambicos et trochaicos, dimetros et tetrametros, catalecticos et acatalectos habeamus (cf. Trin. II, 1.), maxime cavendum est, ne similitudine numerorum decipiamur. Et quamquam de Plauti quoque metris egregie meruisse intelligo virum illum εἰς πάντα πρῶτον, quem ita admiror, ut lubenter in me transferrem Terentii verba:

Cuius acmulori excepto negligentiam

*Potius, quam aliorum obscuram diligentiam *)*, .

modo in viro diligentissimo vel suspicio negligentiae posset esse, si tamen — quod audax paene ipsi mihi videtur facinus — in uno vel altero loco ab eius praeceptis dissensero, id eum aequi bonique facturum spero, imo scio.

Est autem unum praecipue genus versuum Creticorum, suavissimum et canticis inprimis aptum, quo multum delectatus esse videtur Plautus; non neglectum a viris doctis, sed nimia paene cura ad alienas leges refictum. Mensura versus haec est:

— o — o —

a quo diversus esse dicitur, qui tertiam habet brevem:

— o o o —

*) Qui enim minus mihi liceat id profiteri, quam Broendstedius uti potuit verbis Ciceronis non dissimilibus. Reisen u. Untersuch. in Griechenland. 2. Bach. Vorr. p. XIX.

Inveniuntur autem tum soli, tum compositi cum dimetro Cretico:

— o — — o — | — o 2 o —
 atque hi-quidem interdum eleganter miscentur Creticis tetrametris, vel Bacchiacis, interdum longiora cantica continuis his versibus decurrunt, quod factum est in Mostellaria III, 2, 1–24. Nam qui ibi putantur esse tetrametri vv. 10. 12. 22. 23. vereor ne non recte in eum numerum redacti sint. Certe in v. 22. nullo modo fieri potest ut legatur:

Nihil erit, quod deorum nullum accusites.

licet haec scriptura sit Pall. Contraria enim foret sententia, nisi pro *quod* legatur *quin*, quod ne ipsum quidem satis commodum est. Nam *nihil est*, quod quum sit pro *nulla est causa*, non potest sequi pronomen negativum. Graeci ita loquantur; Romani ingenii non pato esse. Iis enim in tali sententia propria sunt pronomina *quisquam* et *ullus*, non *nemo* aut *nullus*.

Iam vero prior illorum versuum dicitur esse trochaicus monometer hypercatalecticis, in altero pedi Cretico subiectam esse aliam arsin. Verum ne trochaicum illum esse credam, eo maxime adducor argumento, quod pro primo trochaeco haud raro est spondeus, etiam, nisi fallor, dactylus, quod in septenariis vulgare est, in tam brevi versu vix admitti posse videtur. Deinde posterior versus si Creticus esset accedente arsi, mirum foret nunquam purum servari Creticum

— o — | —

sed ultimam solvi ubique. Denique quum comparo illud Creticorum genus, quod catalecticum dicitur, habens in fine trochaetur, quum in tertio pede ultimam admittat ancipitem, impellor, ut alterum eorum, de quibus dicimus, verutum a priore nulla alia re differre putem, quam syllaba ancipiti, in qua nihil potest offensionis esse. Nam Cretici quum non solum in medio versu ad asynartetorum exemplum, sed tum quoque, quum persona mutatur, aut pausam possit ipsa sententia et hiatus et syllabam ancipitem non repudient, multo, ut idem fiat, aequius est, ubi transitur ad alium numerum. Ego vero de versibus illis ita sentio, ut Cretico iambum subiici putem, in hunc modum:

— 0 — | 0 —

vel in versa maiore

— 0 — — 0 — — 0 — | 0 —

Exemplo sit locus Bacch. IV, 4.

Callidum senem

Callidis dolis

Compuli et perpuli, mi omnia ut crederet.

Nunc amanti herq,

Filio senis,

Quicum ego bibo,

Quicum edo et amo,

Régias cópias, aúreasque obtuli,

Ut domo súmeret, neq foris quaéretet.

Nón mi isti placent

Pármemonés Syri, qui duas, trés minas

Aúferunt heris.

De maiore autem verum redeo ad Most. III, 2.

AI. *Melius annu (hac) mihi non fuit domi,*

Nec quando esca una me iuoverit magis.

Prandium usq̃ mihi perbonum dedit.

Nunc dormitum iubet me ire minima.

Non mihi fūrte visum illico fuit,

Melius quon̄ prandium quā solitum dedit.

Voluit in cubiculum abducere me anus :

Non bonus somnus et de prandio. apage.

Clandulum ex adibus me edidi foras.

Tota turgēt mihi uxor scio nunc demi.

TA. *Res parata est nunc in vesp̄um hunc seni.*

Nam et coenandum et cubandum est intus male.

SI. *Quo magis cōgito cū animo meo :*

*Si quis dotatam uxorem * * habet,*

** * nēminem sollicitat sopor.*

Ire dormitum odia est. nunc vero mihi

Exsequi certa res est, ut abeam

Potius hinc id forum, quā domi eubem.

Atque, pol, nescio, ut moribus sient.

Vestrae, haec sdt scio quā me habeat male,

Pēiusque posthac fore quā fuit mihi.

TR. *Si dbitus tuus tibi, senex, fecerit male,*

Nihil erit quod deorum ullum accusites ;

Te ipse iure optumo incuses licet.

Ita locum constitui, ut in paucis a Pall. scriptura recederem. V. 6. Pall. habent solum. v. 12. pro intus habent intra his. vv. 15—17. in Mss. lacunosi sunt. v. 21. Pall. omittunt que et mihi, sed utrumque ve-

rissime additum est; nam *peius* non minus quam *cis* monosyllabum esse potest. v. 22. ahest a Pall. Si v. 23. in utroque Ms. est *nullum*, qua de re antea dixi. Denique v. 24. habent: *iure opt. merito inc.* quam vocem puto esse inutilem interpretationem verborum *iure optumo*. Quod si tamen quis hoc vocabulum deleri aegre ferat, quum v. 12. Pall. scriptura: *cubandum est intra his* ad Cod. Lips. lectionem ducamur: *si intrabis*, fieri posse puto, ut ille et postremus versus tetrametri sint, qui post aequalem versuum numerum sibi respondeant. Caeterum v. 1. malim omitti *hoc*, ut *anno* more Plautino sit: seit einem Jahre. Quod autem v. 6. 10. 16. 20. pro Creticis sunt choriambi, nihil eo offendor, quum sciam, quam saepe hoc pede Plautus in Creticis usus sit. Unum versum commemorasse satis erit, *Asin. I, 2, 7.*

Perlecebrae, pernicies, adolescentum exitium.

In Plauto igitur frequens est hoc versuum genus, interdum neglectum ab editoribus, ut *Bacch. V, 1, 25.*

At mihi Chrysealus, optumus homo,

Perdidit filium, me atque omnem rem meam.

ubi non debebat in fine prioris versus addi *meum*. Quin nisi Pall. potius obsequeretur auctoritati, quum in aliis libris verba ita collocentur: *atque omnem rem meam*, eum quoque versum ad illam rationem corrigendum putarem, deleto pronomine *me*. Mira enim est oratio: *mihi me perdidit*.

In Terentio autem, raro iambicos et trochaicos

numeros deserente, hodie nulla exstant exempla. Puto autem fuisse Andr. IV, 1. Nam quem in principio scenae dactylicum fecit Bentleius,

Höccine crédibile aút memorabile?

is ex omnium librorum scriptura Creticus est:

Höccine est crédibile, aút memorabile?

Deinde v. 11. quem etiam misere interpolavit Bentleius, addens duas voces, quae in nullo Ms. parent:

*Quis tu hamo es? quis mihi es? cur ego meam
tibi? heus,*

sanissimus est in omnibus codd.;

Quis tu es? quis mihi es? cur meam tibi? heus.

Tantum enim abest, ut hiatus quidquam vitii habeat, ut ne possit quidem recte elidi pronomen. Plaut. Cas. V, 4, 1.

Ubi tu es, qui colere mores Müssilienses postulas? atque ita sexcenties. Sed Bentleius totam scenam corrumpit, qua de re alio loco dicendum est.

Non possum autem a re metrica discedere, quin improbaverim licentiam, qua Epidici editor in constituendis versibus usus est. Nam senarios dedit in medio versu caesuram habentes IV, 2, 27.

Mihi illam ut tramittas, argentum — accipias,
cuiusmodi Plautus nunquam fecit; legendum enim est:

Mihi illam — ut tramittas argentum accipias.

et quod certissimum est nunquam sibi concessisse veteres poetas, ut in septenariis trochaicis septimo pede

daetylum admitterent, id his terve sibi induluit, ita ut in fine versus legatur *suspicio*. (l. *suspicio*.) et iubeat. (l. *lubens*.) Trium nunc meminisse versuum propter hoc vitium suspectorum. Mil. IV, 8, 14.

PHIL. *Eam nobilitatem committendam video.* MIL.
Nimium haec flēt. PHIL. *Nequeo,*
Quom te video.

Ibi fortasse legendum: Nego. sc. nimium flere, quum te video, et in animum induco, qui vir sis. Puto autem verba esse non Philocomasii, sed Palaestrionis, quem par est respondere militi. Rem explicant vv. sequentes. — Deinde Merc. V, 2, 91.

Scinus non es. Quin pedes vos in curriculum committis?

Ita vulg. Sed Pareus e Pall. dedit *conicitis*, quod fortasse verum est. Sic reicere, eicere, obicere. Mart. IV, 54, 9. Nil adicit penso Lachesis. Denique in eadem fabula, I, 2, 52.

CHAR. *Nullus sum.* AC. *Immo es* — CHAR.
Scio iam; miserum dices. AC. *Tu dixti, ego taceo.*

proceleusmaticus adeo est pro trochaeo. Quum in V. C. sit *dixi*, in aliis Mss. ergo *taces*, fortasse legendum: *dixi ergo tacens*. Sed utut ista sese habeant, certe non inferenda temere sunt in textum Plauti vitia, neque augendus versuum claudicantium numerus.

Vereor, ne nimis diu in vestibulo quasi consti-

tiore longioremque instituendo operi moram imposuisse videar. Sed quam minus certis finibus circumscriptum sit meae disputationis genus, ut abrumpi possit, ubicunque visum fuerit, quumque ipsi mihi esse esse arbitrarer, praemitti illas observationes, polui ea reticere, quorum memoriam rursus novissimarum editionum suscitaverat lectio. Ego rectene viderim, an falsa specie deceptus fuerim, videant eruditi. Meum certe omni tempore et fuit, et erit, nihil persuadere velle, nisi quod ipsa res suadeat, neque quidquam in literis vehementius odi, quam eorum impudentiam, qui dubia pro certis, cogitata pro compertis proterve ac fallaciter vendunt.

Soleo autem Plauti exemplaria non solum delectationis causa versare, quam inde capio maximam, nec qui criticis curis vitia emendata, quamquam ab eo negotio non licet vacuo esse lectori diligenti; verum praecipue rerum antiquarum causa, vitaeque et morum illius temporis cognoscendorum. Ex quo enim scriptore res veterum domesticas vitamque privatam plenius cognoscere sperabimus, quam ex eo, qui in ipso familiae coetu nos sistit, consiliis adhibet auditores, omnium quae clam palamve aguntur spectatores, qui domus ipsas recludit, et sui temporis castigator candidissimus ad vitam expressam ob oculos nobis ponit aetatis imaginem? Quamquam habet haec cognitio nonnihil difficultatis propterea, quod tractans non Graeca solum argumenta, sed e poetarum Graecorum fabulis petita, non potuit Plautus non miscere Graecos mores Romanis, quod interdum

ita ridiculum est, ut consulto a poeta, risum populi captante, factum esse videatur *).

Praeterea multi sunt loci ad antiquitatem pertinentes, iique maxime memorabiles, perquam obscuri et corrupti, qui nisi recte explicentur atque emendantur, errorum potius quam cognitionis fontes ne sint, periculum est. Quare operae pretium facturum censeo, si quis, quod qualicunque laude facere instituit Pareus **), totam Plauti antiquitatem diligenter collectam et pro generum diversitate digestam et dispositam illustret. Videntur autem quatuor maxime genera constituenda esse, quorum primum complectitur fabulas veteres, deos spectantes et res antiquissimis temporibus gestas, alterum rei publicae instituta, leges dico, edicta, ritus, magistratus; tertium vitam privatam; quartum ad artes artisque opera pertinet.

Atque ut inverso ordine agere liceat mihi, qui carptim nunc quidem praestantiora quaedam lecturus, non plenam messem facturum sum, primum locos ad artes quoque modo pertinentes illustrabo.

Perexiguum esse eorum locorum numerum nemo mirabitur, qui quam procul ab omni paene elegantia atque eruditione Plauti tempore fuerint Romani cogitaverit. Enimvero si Cicero Graecis literis ante alios sui aevi eruditus laudi propemodum sibi duxit, quod *rudis earum rerum* esset, (Verr. II, 35.) quae nos Plauti aequales fuisse *φιλοτεχνία* putemus, quibus

*) cf. Rostii diss. De Plauti auctoritate ad faciendam rerum antiquarum fidem. Opusc. I. p. I. sqq.

**) Electa Plautina. Neap. Nem. 1617.

Syracusarum expugnatio vixdum spectandorum operum Graecorum copiam fecerat, nova ornamentorum spectacula tum quoque multis improbantibus. (Plut. Marc. c. 21.) Neque solum ille nulla se trahi artium admiratione ait, sed cum contemptu paene Verr. IV, 2. quum Praxitelem nominasset, addit: *nimirum didici etiam, dum in istum inquiero, artificum nomina.* et plus semel Graecorum studium reprehendit. Verr. IV, 59. *hic ornatus, haec opera atque artificia, signa, tabulae pictae Graecos homines nimio opere delectant.* et cap. 60. *etenim mirandum in modum Graeci rebus istis, quas nos contemnimus, delectantur.* cf. cap. VII. in *) Atque ipsum Verrem, quamvis insatiabile fanorum domuumque everriculum, ne quis sensisse credat, quid in signis picturisque pulchri esset consummatique, ipse cavit Cicero narrans l. IV, 13. cum in praedonum cohorte habuisse Cibyrtas fratres, Tlepoleum et Hieronem, quorum oculis uteretur, quum manibus furaretur. Ipse autem adeo stupidus fuit atque ἀργυρός, ut quum par illud nobile canum Cibyrticorum, Pamphili pecunia corruptum scyphos sigillatos praestantissimos luteum negotium dixisset, neque dignum, quod in argento suo Verres haberet, vir delicatissimus idem sibi videri diceret,

*) Mira sunt quae comminiscitur Meyer, Winkelm. W. VI. p. 271. Ciceronem, populum scilicet veritum, dissimulasse artium studium. Quasi vero apud Praetorem praesente populo habitae fuerint orationes illae, nec studiosissime defendat idem (p. Arch.) literarum Graecarum ac poesis studium, non multitudini solum, sed amplissimis quibusdam viris pariter suspectum atque contemptum.

atque opera eximia contenta remitteret. cap. **XXIII.**
Fecit igitur homo avarissimus, quod hodie quoque
facere quosdam videmus, qui leporis venustatisque
expertes tamen id sibi splendori fore sperant, si
quae alios admirari vident, domum congerant. Ita-
que ergo artium amantes scientesque cluent.

In Plauto igitur si quis est locus prodens artium
admirationem, cum Graeco poëtae deberi credam;
interdum autem occasione data ac fortuito operum
fit mentio, atque ii loci eo magis neglecti sunt a
viris doctis, quo minus in his fabulis quaeruntur.
Eiusmodi locus memorabilis legitur Trin. I, 2,
46 sqq.

Nam nunc ego si te surripuisse suspicer

Jovi coronam de capite, e Capitolio,

Quod in culmine astat summo; si id non feceris,

Atque id tamen mihi lubeat suspicari,

Qui tu id prohibere me potes ne suspicer?

cui prope aequalis est locus Menaechm. V, 5, 38.

At ego te sacram coronam surripuisse scio Jovis,

Et ob eam rem in carcerem te esse compactum
scio.

Verumne sacrilegium respexerit Plautus, an auda-
cissimum facinus significare voluerit, dubitari pot-
est. Lambinus quidem adnotavit, fecisse hoc Pe-
tilium quendam, eumque ex eo dictum esse Capito-
linum, quam fabulam nullo nomine firmatam, qui
secuti sunt editores, commentariis suis inseruerunt.
At vero Capitolinus ille, neutiquam a sacrilegio no-
minatus, duobus paene saeculis post furti accusatus

ent. vid. Horat. Sat. I, 4, 94 sqq. atque eius Commentatorem Crucquianum. Neque vero factum fuerit, nec ne, nostra quidquam attinet. Multo rectius aliquis quaerat, quod fuerit illud Jovis simulacrum, quo loco positum, quae corona.

Quae res ut illustrari recte possint, antea dicendum videtur de coronatis Jovis signis generatim. Video enim plerumque de simulacris eius in eum modum dicere, quasi solitum fuerit caput dei cingi olea, quercu, lauro, floribus. Qued ita verum esse puto, ut ubicunque imposita capiti fuerit corona, ex illis eam frondibus faisae intelligam, sed longe maximam statuarum partem coronatam fuisse negem.

Primum enim Pausanias, quum tantum statuarum Jovis numerum recenseat, praeter Phidiae opus duo non amplius commemorat signa, quae coronas capite sustinuerint L V, 22, 4. προελθόντι δὲ ὀλίγον Ζεὺς ἔστι πρὸς ἀνίσχοντα τετραμμένος ἥλιον, αἰτὸν ἔχων ὄρνιθα, καὶ τῇ ἑτέρᾳ τῶν χειρῶν κεραυνόν· ἐπίκειται δὲ αὐτῷ καὶ ἐπὶ τῇ κεφαλῇ στέφανος ἄνθη τὰ ἡρινὰ (ῥιό). Μεταποντίνων δὲ ἐστὶν ἀναθήματα. et cap. XXIV, 1. ἄγαλμα Διὸς ἐστεφανωμένον οἷα δὴ ἄνθηται, καὶ ἐν τῇ δεξιᾷ χειρὶ αὐτοῦ κεραυνὸς πεποιήται — Θεσσαλῶν φασὶν εἶναι ὅτε Φωκεῦσιν εἰς πόλεμον οὗτοι κατέστησαν. Violarum coronas fuisse suspicari quis possit, (ἄνθη ἡρινὰ, siquidem sana est scriptura) is enim flos, ab Io, Inachi filia, qui nomen habere putabatur, Jovi sacer erat. (cf. Villois. ad Long. p. 46.) Sed in opere caelato, Mus. Pio-Clem. tom. IV. Bassir. tav. A. quum Iupiter etiam florea corona cinctus sit,

liliorum fere forma, quumque Visconti Jovem Eleutherium in numis Syracusanorum similem gerere ornatum moneat *), magis credibile est, illa quoque Iovis simulacra idem florum ornamentum habuisse. Sunt enim et lilia verna. Non autem commemorasset, puto, in illis statuīs hunc ornatum Pausanias, in aliis tacuisset, nisi eo caruissent.

Deinde, quamquam non magnus Iovis statuarum numerus nobis e tanta multitudine reliquus est, (cf. Winkelm. opp. IV. p. 315 sqq. Ottfr. Mueller, Hdbch. d. Archaeol. p. 494. Boettig. Kunstmythol. t. II. p. 186. sqq.) tamen argumento potest esse, quod in nullo, quantum memini, signo coronae vestigium est. (vid. tria praestantissima: Giove di Verospi. Pio-Clem. tom. I. tav. I. Oriculanus ib. tom. VI. tav. I. et Dresd. August. tom. II. tab. XXXIX.) Neque detractum esse capiti aurum quispiam credat; nam ut concedam, marmoreis deorum signis impositas esse coronas aureas, tamen foramina forent in marmore, fixae ibi coronae indicia. Ita factum est in statua Nervae Caes. Mus. Pio-Clem. tom. III.

*) I. I. p. 99. La fisonomia del suo volto, la disposizione della barba e delle chiome, finalmente la corona di fiori, tutto simiglia alle immagini di Giove Eleuterio nelle monete de' Siracusani. Fra i simulacri di questo Nume dedicati nell' Alt. d'Olimpia ve n'avea più d'uno recinto le tempie di corona di fiori, quali appunto adornano nella presente immagine la testa di Giove. Nimirum duo fuerunt. Quod autem dicit *appunto*, non debet intelligi de forma coronae florumque genere, non indicato a Pausania, nisi forte Palmerii coniecturam probavit Visc., pro *ἡνίκά* legendum censentis *χρῆμα*.

p. 7. La corona di quercia è stata supplita di bronzo, secondando il cerchio de' piccoli fori, che rimangono nel marmo all' interno del capo, segni evidenti che v'era fissata qualche corona. cf. Winkelm. W. IV. tab. V. A. p. 437. Fortasse tamen sola radiata Serapidis, Ammonis, Phoebe et Caesarum capitibus figebatur, atque cum Nervae quoque statum gessisse videtur suspicari Visconti L. I. (più propria degli Augusti dopo l'apoteosi). Praeterea plerumque ligantur capilli angustae diadematis fasciae, coronae ipsum tenente.

Hic sollicitor, ut simulacra Iovis templis destinata atque in ipsis cellis posita caruisse coronae ornamento credam, nisi certi quindam nominis accederet significatio. Propterea Iovis Olympii caput in divinis Phidiae opere corona oleagina cinctum fuit: quia enim auspiciis olea victoribus dabatur, eum idem insigne gestare par erat. Sed quamquam tanta erat operis celebritas, ut nulla fere exinde fingerentur Iovis signa, quae non referrent eundem vultum habitumque (cf. Hirt, Gesch. d. K. p. 139. Bilderb. p. 19.) tamen, ut consentaneum erat, corona, cuius alio loco nulla esset ratio, omittebatur. Metapontinorum autem et Thessalorum statuas votivas, quum re bene geste parique victoria posita fuerint, (cf. Sillig, Cat. art. n. Ageladas. Thiersch, Epoch. d. bild. K. p. 160. sqq.) non mirum coronis fuisse ornatas.

Iam vero, ut ad Capitolinum Iovem redeam, primum mihi quaerendum video, quod dei signum

Plautus dicere potuerit? Primum enim Iovi in Capitolie cellam Romulus dedicasse ferbatur pereringam, in qua stabat *locus*, *lignus deus*. vid. Boettig. Kunstreuth. H. p. 192. Deinde quoniam vastissimum templum, inchoatum a Tarquinio Prisco, exstructum atque haud scio an ad ultimum etiam perductum a Tarquinio Superbo, dedicaretur a M. Horatio Pulvillo anno post reges exactos primo, effigies dei fictilis, quam, si Plinius (XXXV, 12. s. 45.) fides habenda est, ipse Priscus Tarquinius Turanus, sive Turiano cuidam Fregellano perficiendam locaverat, in cella posita est. Atque hoc signum sedentis in sella Iovis (Liv. V, 50. Burn. Zib. *antiqu.* p. 381. sqq.) inde a dedicatione ad incendium illud Sallanum, quo tota aedes conflagravit, intactum locum suum obtinuisse, persuasum habeo, mirorque Boettigerum vel leviter ea de re dubitare potuisse. (I. I. p. 193.) Neque enim quoniam tradit Livius, sive potius quicumque Epitomas librorum confecit, Epit. L. XIV. Iovis in Capitolie signum fulmine tactum caputque esse dejectum, intelligi potest statua in cella posita. Non enim tam longe profici potuisset caput, ut per haruspices quaerendum esset. Verum de hoc loco paullo post accuratius videbimus. Deinde Carvili statuum colesseam (Plin. XXXIV, 7. s. 18.) non in templo positam fuisse quis intelligit, illud autem signum, quod T. Quinctius Cincinnatus a. U. 372. Romam advexit, ne ipsum quidem in cella dedicatum est. Ita enim Livius VI, 29. T. Quinctius — Romam revertit, triumphanteque signum Praeneste advectum

Iovis Imperatoris in Capitolium tulit. Dedicatum est inter cellam Iovis ac Minervae. Igitur quum non distantiae andronibus fuerint cellae, sed communes haberint parietes (Hirt, Gesch. d. Bauk. I. p. 245. tabi VIII. 1.) ad medium, qui inter cellarum aditus erat parietem collocatum esse videtur. Nam Levesevii interpretationem loci Liviiani (Iupiter Imper. p. 12.) wo sie innerhalb der cella des Jupiter und der Minerva aufgestellt wurde, fateor me non intelligere, siquidem neque communis numinibus cella fuit, neque scriptum est intra. Miror quid sit. Cur tamen intromissum in ipsam cellam non fuerit, difficile est dictu; nihil enim impediabat, quominus plura eiusdem numinis signa in eadem cella ponerentur. Quin quamquam dedicare unam cellam duobus numinibus non licuit, (vid. Liv. XXVII, 25.) simulacra tamen diversorum numinum una ponebantur, atque in ipsa Iovis cella Iunonis fuit effigies. Liv. VI, 4. (tres paterae aureae) quas cum titulo numinis Camilli ante Capitolium incensum in Iovis cella constat ante pedes Iunonis positas fuisse.

Fuit et aliud Plauti aetate in Capitolio Iovis Imperatoris signum, quod praestantissimum Graeci artificis opus e Macedonia captum in Capitolio posuerat Flaminius, teste Cicérone, Verr. IV, 58. Sed ut omittam Iovem Imperatorem (sive quisquis fuit *Οὐριος* ille) diversum fuisse a Capitolino, nullo certe modo vetustam fictilis illius effigiei religionem peregrino opere imminutam esse credam, quum constet, superstitiose cum veteres omnes, tum Romanos anti-

quissima illa opera servasse. cf. Plin. XXIV, 7. s. 16. XXXV, 12. s. 45. Cic. Cat. III, 8. Neque Plinius solus usque ad Asiam devictam lignea aut fictilia deorum simulacra in delubris dicata esse dicit, sed et Cato apud Livium XXXIV, 4. legis Oppiae acerrimus propugnator; *Infesta, ait, mihi, credite signa qđ Syracusis illata sunt huic urbi. iam nimis multos audio Corinthis et Athenarum ornamenta laudantes mirantesque, et intefra fictilia deorum Romanorum videntes.* Ego hos malo propitios deos; et ita spero futuros, si in suis manere sedibus patiamur.

Quare si in cella positum Iovis simulacrum respexit Plantus, intelligendum est fictile illud initio illitum. Verum hoc ipsum nego. Nam ut mittam, quod antea dixi, non videri multas Iovis statuas gessisse coronas; in gentis Petiliae aliisque *) nummis Iovis Capitolini caput esse nulla corona ornatum (Ottfr. Muell. Arch. p. 496. cf. Mionnet, de la rareté et du prix des med. Rom. p. 55. Vaillant, Num. fam. Rom. tom. II. tab. 107., ut haec inquam missa faciam, ipsum Plantinae fabulae textum corruptum esse iam videbimus.

Quis enim unquam scriptor Romanus tam ineptus usus est verbis, ut diceret *Capitolium astare in summo culmine*? Astore rarissime dicitur de rebus inanimatis. Praeter duos Virgilii locos, Aen. III, 123.

*) vid. Vaillant. tab. 150. inc. 2. tab. 35. Calp. 25. tab. 50. Corn. 60. tab. 139. Trebon. 1.

Hoste vacare domos, sedesque adstare relictas.

XII, 93.

Extitit, quae mediis ingenti adstrata columnae

Adibus adstabat, validam vi corripit hastam.

et Tib. I, K, 8.

Faginus adstabat cum scyphus ante dapes.

attus memini apud Tacitum loci Ann. XV, 37. crepidinibus stagni lapidaria astabant. Verum in his omnibus significat *stare paratum*, *dastehen*, ut recte interpretatus est Wunderlichius ad Tib. I. 1. In Taciti loco dubium adeo est, an non traxerit verbum praepositionem e praecedente vocabulo. — Contra frequenter dicitur de hominibus et de signis, quia humanam formam imitantur. Idem Tacitus Ann. XIV, 4. *Enimvero cantus Appollini sacros, talique ornatu astare non modo in Graecis urbibus, sed Romana apud templa nomen praecipuum et praescium.* Id. III, 23. *Lepida theatrum ingressa lamentatione flebili maiores suos ciens, ipsumque Pompeium cuius ea monumenta et astantes imagines visebantur.* Plin. XXXIV, 8. s. 19. *Phidias praeter Iovem Olympium fecit et Minervam, quae est in Parthenone adstans.* — Atque non dici ita Latine sensit, puto, Rycquius (de Cap. p. 74.), qui scribendum coniecit: *exstat*, „ut naturalem loci altitudinem designet,“ vitium in verbo innocenti suspicatus.

Deinde *culmen*, quod tectum, aut ipsum fastigium

est aedificiū, quis credat a Plauto pro vertice montis dictum ne addito quidem genitivo? Et, si ab his omnibus discesserimus, quo consilio addidisse haec poetam arbitremur? An docendi erant Romani, Capitolium in olive, non in valle quaerendum esse? An audacia facinoris eo augetur, quod in monte committitur. Num quid dici potuit frigidius? Habeant ista sibi, quibuscunque placent. Mihi nemo persuadebit, tam fatuum Plautum fuisse, ac tanto opere ab usu loquendi recessisse.

Memoriae prodiderunt Plinius atque Plutarchus, iam tum, quum dedicaretur Iovis aedes, in culmine eius quadrigas esse positas. Has inanes fuisse, neque constitisse in iis deum, propterea vult Muellerus; (Etrusk. tom. II. p. 249.) quod nulla a scriptoribus signi divini fiat mentio. Livius tamen, qui has Veientanas quadrigas ignorat, lib. X, 23. narrat ab Ogulniis, Aed. Cur. foeneratoribus diem dictam, eorumque bonis multatis aenea in Capitolio limina, et trium mensarum argentea vasa in cella Iovis, *Iovemque in culmine cum quadrigis esse positum*; quod factum videtur a. U. 446. Eas neque argenteas, ut visum est Rycquio, neque aeneas, ut voluit Nardinus, sed ipsas quoque fictiles fuisse puto, et quam occupatum esset illis antiquioribus τοῦ προ-
ράου culmen in adverse fastigio, aut inferius in contignationis decurrentis angulo positas suspicor. Neque defuisse Veientanis illis dei signum credo, et fortasse licebit hinc illustrare locum Ciceronis, Div.

I, 19. cum Summanus de fastigio Iovis O. M., qui tunc erat fictilis, e coelo iclus esset, nec usquam eius simulacri caput inveniretur, haruspices in Tiberim id depulsum assecuti sunt. Non diversa prodigia sed unum dici a Cicerone et Liv. Epit. l. XIV. olim iam recte statuit Rycquius. Apud Livium tamen et scholiastam Ciceronis, ad Catil. III, 8. (quamquam aliud ibi prodigium dicit Cicero. cf. Div. II, 20.) eadem fere narrantem, non Summani, sed Iovis caput deiectum esse dicitur. Num igitur forte Summanum, etiam apud Etruscos cognatum Iovi numen, receptum a Romanis alterum quasi Iovem, detorta paululum notione fuisse credamus? Certe Plinius, II, 52. *Tuscorum, ait, literae novem deos emittere fulmina existimant, eaque esse undecim generum: Iovem enim tria iaculari. Romani duo tantum ex iis servare, diurna attribuentes Iovi, nocturna Summano. atque in Inscript. Lat. apud Orellium. 1216, est: Iovi Alto Summano. (cf. Rycq l. I. p. 27. 58.)* Quod si verum sit, suspicari licebit, in altero aedis fastigio Iovis diurni, in altero nocturni fuisse signum. cf. Ottfr. Muell. Etrusk II. p. 60.

Iam vero, ut in paucis colligamus, quae adhuc disputavimus, quum in verbis Plauti vitium esse prodat insolens verborum significatio, ac sententiae tenuis importuna verborum significatio, quumque stetisse in culmine aedis Capitolinae Iovis effigiem testes sint locupletissimi, satis liquidum ac perspicuum puto, in Trinummo legendum esse:

*Nam nunc ego si te surripuisse suspicer.
Iovi coronam de capite e Capitolio,
Qui in culaninæ astat summo etc.*

Facili errore librarii pronomen ad proximum retulerant substantivum, atque inde genus mutatum est. Quod si tamen non satis apto loco positum cui videatur, atque incommodè disiungi a nomine suo existimetur, ei comparandum dabo Terentiū locum, *Phorm.* II, 2, 32.

numquam tam graves
Ob hanc inimicitias caperem in vestram familiam,
Quam is aspernatur nunc tam illiberaliter.

ubi praecedit adeo nomen eiusdem generis, quo errori magis etiam locus datur. Item Plaut. *Epid.* I, 1, 53.

Et is danista advenit una cum eo, qui argentum petit.

Vides uno facilique remedio simul omnia sanata. Nam et vocabulis *astare* et *culmen* sua reddita est significatio, et nefarium simul atque audacissimum proponitur facinus, et corona recte tribuitur Jovis simulacro. Nam si positum in cella signum caruisse coronae ornamēto dixi (quamquam in Graecae artis opere certius id affirmare ausim, quam in Tuscanico: cf. tamen Iuven. Sat. XI, 116.) contra eum, qui in quadrigis triumphator astat (cf. Muell. Etrusk. II. p. 249.) coronam gestasse nemo dubitabit.

Superest, ut quaeramus, quae fuerit illa corona? Potuit enim aut querna esse, aut laurea. Atque

erant fortasse qui quernam fuisse malint. Haec enim Iovis arbor (*esculus*, Plin. XVI, 5.) atque in ludis Capitolinis, institutis a Domitiano (Suet. c. V.) querna, corona victoribus dabatur, unde *Capitolina* sive *Tarpeia quercus*. Iuven. VI, 386. Mart. IV, 54, 1. 1, 6. Verumtamen solita Iovis corona laurus est. vid. Winkelm. W. II. p. 493. V. tab. VII. Hirt, Bild. II, 2. Mionnet, Descr. tom. I. p. 181. Bruttium n. 780. (tab. 65.) p. 512. Macedonia n. 49. 61. al. (tab. 70.) II. p. 103. Boeotia. n. 59. 60. (tab. 72.) II. p. 244. Arcadia. n. 6. 7. 11. 17. al. (tab. 73. Broendsted, Reisen. II. tab. XLVIII. n. 2. 3. 6. p. 307. sq. ad quae accedunt Romanorum nummi plurimi, et quamquam non nego Διὸς Πολιέως ἱερὸν ὄντα τὸν τῆς δρυὸς στέφανον (Plut. Coriol. c. 3.) Romanorum Iovi O. M. unice convenire — ille qui in culmine astabat cum quadrigis Triumphans erat, atque triumphantium corona laurus. Falsissima autem sunt, quae docet Alex. ab Al. Gen. d. lib. VI, 6. p. 495. *Quam quidem coronam (lauream) non ipsos triumphantes gestare, sed servum in curru eodem, qui supra illius verticem ipsam teneret, post se habere tradunt.* Ipsam enim triumphantium comam lauro viridi nativa vinctam fuisse, sicut ovan-
tium myrto, vix est, quod exemplis comprobetur. (v. Plin. XV, 30. s. 40. *laurum in manu tenuit, coronamque capite gessit.* ib. s. 28. Plut. Crass. 22. Ovid. Am. I, 2, 23.) Sed tamen, quum Plinius diserte narret, servum sustinuisse a tergo coronam ex auro Etruscam („gemmis et foliis ex auro quer-

tinis Tert. στέφανος ὁ διάλιθος καὶ διάχρονος. Dio Cass. XLIV, 6.") atque Marii exemplum subiungat, quumque eodem venisse magistratum ornatu in pompa Circensi memoret Iuven. X, 36. sqq., recte Muellerum duplicem in triumpho coronarum usum fuisse statuit; alteram capite gessisse triumphatorem, alteram servum supra caput eius sustinuisse. Etrusk. I. p. 371, cf. Boettig. K. M.-H. p. 198. Modo quid cum radiata corona commune fuerit triumphantibus nescio.

Aspice iam, quam subita collabantur ruina, quae disputavit de querna Iovis in Capitolio corona Boettigerus, Kunstmyth. II. p. 195. Nititur enim tota de coronato in cella Iove hoc uno fulcro Plautino, neque aliud alius scriptoris testimonium afferre potuit Rycquius (p. 74.). Potest autem vel hic locus esse exemplo, quam incerta sit omnis rerum antiquarum cognitio, nisi plena linguarum scientia atque artis criticae auxilio munita sit et quasi substructa,

Sed ut ad alium tandem me locum convertam, quod in Mercatore II, 2, 42. scribit Plautus:

Si unquam vidisti pictum amatorem, hem, illic est.

Nam meo quidem animo vetulus decrepitus senex

Tantidem est, quasi sit signum pictum in pariete.

videamus quorsum spectet. Senis imago est decrepiti, sed incontinentis et libidine prurientis, propter hoc ipsum autem deridiculi. Quam amatoris umbram

(non animo quidem, sed corpore) quum comparet
 pecta cum signo picto, credibile est, in animo eam
 habuisse etiam picturam rei ridiculae, aut certe ama-
 taris mulierem misere depereuntis. Ab eo pictura-
 rum genere, licet olim contempto, non abstinuisse ta-
 men Graecos artifices inde ab Antiphilo — nisi ex
 parte *minores Parrhasii tabellas* hac pertinere statua-
 mus — testatur Plinius, l. XXXV, 10. s. 36. 37.,
 qui pinxisse hunc libedines, Calliclem et Calaten co-
 micas tabellas narrat; Antiphilum Gryllorum esse
 auctorem, Pyreicum a picturarum genere *ῥυπαρο-
 γραφῶν* esse nominatum. Hanc *ῥυπαρογραφίαν* occu-
 patam fuisse in pingendis hominibus humili sorte vi-
 ventibus locisque sordidioribus, neque dici hac voce
 rerum inanimatarum, ut florum, fructuum, obsonie-
 rum picturas (*Stilleben*, ut visum est Ottfr. Muel-
 lero Archaeol. p. 162. cf. Grund, Gesch. d. Mal. II.
 p. 752.) docet vocabuli etymologia atque Plinius
 ipse, narrans Pyreicum pinxisse *tonstrinas*, *autrinās*
et asellos et obsonia. Non igitur propter obsonia sola illo
 nomine appellatus est, atque haec ipsa fortasse ex eodem
 genere fuerunt, quo nostri aevi tabulae celeberrimae.
 (e. g. Die Wildpretshaendler von Gabr. Metsü od. Fr.
 Mieris. Der Frucht-, Fisch- u. a. Maerkte von Sny-
 ders, al.) Itaque picturae ex eo genere, quo excel-
 luerunt Adr. ab Ostade, David Teniers, P. Mole-
 naer, P. de Laar, Dietrich, alique (Bambocciaden)
 recte inter *rhyparographorum* opera numerantur.
 Illae vero quae *Xenia* Philostrato, nobis dicuntur
Stilleben, non magis in hoc genere censendae sunt,

quam G. Dow, G. Terbourg, Casp. Netscher atque aliorum immortalia opera, vitae communis, neque tamen sordidae, res diligenter imitantia. cf. Hirt, *Kunstbemark.* p. 102.

Nimirum continentur haec genera omnia uno ampliore genere, τῇ ὀνομασίᾳ (*Kleinigkeitsmalerei*, *Kleinmeisterei*, *minor pictura*, Plin. l. l. s. 37.) cui recte opponitur ἡ μεγαλογραφία, *habens deorum simulacra, seu fabularum dispositas explicationes.* Vitruv. VII, 5, 2. cf. Welcker ad Philostr. p. 396. sq. iniuria tamen vocabulum ὑπαρογράφων damnans. Neque vero Ciceronem, quum Attico scribit, XX, 16. *itaque me referunt pedes in Tusculanum. et tamen haec ipsa ὀνομασία ripulas videtur habitura celerem satietatem.*, quidquam aliud significasse arbitror, quam pusillam, si ita loqui fas est, loci amoenitatem. cf. Salmasii et Gronovii adn. Non enim Ciceronis aetate usitata fuisse videntur topiaria opera, i. regionum et locorum picturae. vid. Winkelm. Opp. II. p. 256. VII. p. 221. secutum Plinii testimonium l. XXXV, 10. s. 37. Quem dum erroris convincere vult Fea (tom. II. p. 353. sq.) ipse errasse videtur. Platonis enim verba aut ad scenographiam pertinent, aut de parergis tabularum ex historico genere intelligi debent. Sic Itali recentioris aevi, in megalographia longe praestantissimi, regionum et locorum picturam, nisi quae faceret ad argumenti dignioris exornationem, fere contempsisse videntur. (cf. Hirt, *Kunstbem.* p. 108.) Ipse tamen Hirtius (Gesch. d.

bill. K. p. 332.) etiam ante Ludium, datum topiaria picta esse colligit e Vitruvii l. l. Nescio quo iure. Verba enim scriptoris: *pinguntur portus, promontoria, litora* etc. qui minus recte ad ipsius aetatem referuntur? Monstri autem instar foret, inter tot pictorum omnis generis nomina nullius, qui in illo genere excelluerit, artificis nomen nobis servatum esse, neque ullam ante Augusti tempora cuiusmodi picturam commemorari: cfr. etiam Garus, *Briefe üb. Landschaftsmal.* Br. 5.

Enimvero neglecta haec esse a Graecis pictoribus, eo facilius mihi persuaderi patior, quod apud poetas idem video esse de illis rebus silentium. Neque enim, quum ab Homero narratur, quales fuerint Alcinoi horti, aut Calypsus antrum (V, 63. sqq.) aut e monte Samothraciae Idae Troiaeque prospectus (Iliad. XIII, 13.), quum in Sophoclis Oedipode Coloneo ab in. Eumenidum lucus egregiis sane verbis laudatur, et si qui sunt alii eiusdem generis loci, in picturae id unquam fit modum, quae certis partibus constat; sed singulae narrantur locorum amoenitates, aut quae ad nectendam rerum seriem necessaria sunt. Contra Virg. Aen. II, 159. sqq. Ovid. Met. III, 155 sqq. 407 sqq. V, 385 sqq. atque aliis locis quam plurimis omnia sunt ad tabulae pictae formam faciemque disposita, ut si aptare licet rei paullum diversae vocabula philosophica, hoc narrationis genus dixerim intuitivum, illud discursivum.

Sed ut nimiam quantum a proposito digressus

redeam tandem, unde egressus sum, pictura, quam in versibus illis respexit poeta — videntur autem translati e Graeca comoedia — potuit esse ex eo genere, quod Plinius *libidines* dixit. (Prop. II, 6, 27. *obscenae tabellae*.) Quamquam enim tabulas illas Parrhasii nemo facile credat distortis vultibus et corporum deformitate fuisse ridiculas (Caricaturon. vid. Sill. Cat. p. 322.) praesertim quam unius argumentum, turpissimum sane, Suetonius servaverit, tamen petulantis ioci fuisse dicuntur. potuit vero etiam *παρὰ τὸν γέγονον* cuiusdam opus esse, modo amatorem dederit animo impotenti et cupiditate misere pereuntem.

Caeterum coniunge: *signum pictum — in pariete*, non *pictum in pariete*, neque cum Rostio verte: wie ein Bildniss an die Wand gemalt; sed: wie ein Bild an der Wand, quod ut suadeam duplex est causa. Primum enim minus credibile est, in parietibus argumenta libidinea explicata fuisse; deinde, quod maius est, ne temporibus quidem aptum foret alterum, Nam si Philemonis sunt versus, ut videntur esse, qui novae Comoediae poeta antiquissimus Ol. CXII. fabulas docere coepit (Meineke, Men. et Phil. rell. p. XLIV.) Appellis igitur et Protogenis aequalis fuit, obstat Plinii testimonium, postea demum privatarum certe aedium parietes pingi coeptas tradentis. l. XXXV, 10. 37. *Sed nulla gloria artificum nisi eorum, qui tabulas pinxere; eo venerabilior antiquitatis prudentia apparet. Non enim parietes excolebant dominis tantum, nec domos uno in loco mansuras, quae ex incendiis rapi*

non possent. Casada Protophenes contentus erat in hortulo suo. Nulla in Apellis tectoriis pictura erat. Nondum libebat parietes totos pingere.

Audiendus ea de re ante alios Boettigerus, Archaeol. d. Malerei. p. 280 — 284. qui vir antiquitatis longe peritissimus Polygnoti in Poecile picturae tabulas fuisse docuit, statuitque omnes adeo, quae templa et porticus ornarint, picturas non in tectorio, sed in tabulis fuisse pictas, easque deinde parietibus esse apertas, (unde vestiri dicuntur parietes ac deformari ayalis tabulis. Cic. Verr. IV, 55.) quo modo postea excisae quoque parietibus picturae rursus tectorio inclusae sunt, cf. Boettig. Aldobrand. Hoehz. p. 12, Steinbuechel, Alterthumsk. p. 31. Goro v. Agyagf. Wander. d. Pompeii. p. 71.

Cogitandum est igitur in loco Mercatoris de tabula aut suspensa in pariete, aut tectorio inclusa, ut Menaechn. I, 2, 34.

Dio mihi, numqua tu vidisti tabulam pictam in pariete,

Ubi aquila Catamitum raperet, aut ubi Venus Adoneum?

Alius ad artem pingendi spectans locus est Asin. IV, 1, 16, seqq.

*Ait quod illa dicat peregre allatam epistolam,
Ne epistola quidem ulla siet in aedibus,*

Nec cerata adeo tabula; et si qua inutilis

Pictura sit, eam vendat. ni quadriduo

Abalienarit, quo ex argentum acceperit,

Tuus arbitratus sit. comburas si velis:

Ne illi sit cera, ubi facere possit literas.

Habemus ibi Diabolum, iuvenem stolidum, iracundum suspiciosum, omnis elegantiae expertem, qui amicas in annum dies noctesque emturns syngraphum a Parasito conscribendum curaverat, quo meretrici omnem alterius amatoris spem rigidis conditionibus praecideret. Negat igitur se passurum, ullam in aedibus esse epistolam, quippe quae ab amatore possit esse, neque ceratam adeo tabulam. Haeserunt in hac cera interpretes. Douza enim „iconicum ex cera picturae genus“ intelligit, cui veterum testimonia adstruens Taubmannus nugas egit, itemque Pareus. Quamquam enim statuas et imagines et poma e cera ficta scimus (vid. Fea ad Wink. Opp. III. p. 297. Boettig. Sabina. I. p. 220. 275 sqq. Otc. Verr. IV, 13.) tamen de caelato opere nihil usquam traditum accepimus. Dubitari nequit, quin scripserit Parasitus, arcendas esse a domo Philenii non solum epistolas omnes, tabellas scriptas, verum etiam vacuas literis, et quamquam in ea re tabellarum, codillorum, pugillarum nomina fere usurpantur, potuit tamen Plautus generatim loquens etiam tabulae uti vocabulo.

Illa igitur verba ad artem non pertinent. Picturae autem Diabolo aut propterea sunt suspectae, quod ne citius corrumperebuntur cera obducebantur — nisi hoc

in solis tectoriis operibus factum est, (cf. Stieglitz, Archaeol. Unterhalt. p. 162 sq.) — aut de encausto cogitandum est, unde metuit amator, ne quid ceræ Philenium abradat.

Praeterea egregia est in verbo *inutilis* *ἀπορία*, qua adolescens stupidus atque artium rudis verissime pingitur. Ineptissima enim est Lambini aliorumque explicatio, *inutilem* accipientium pro *mali exempli*, quum tamen in proximis causa addatur: ne illi sit cera, ubi facere possit literas. Quod nisi metuisset, non, puto, ingrata fuisset homini impurissimo nequitiae in tabula exemplum.

His, quae de artium operibus apud Plautum leguntur subiicio quartum locum, qui num in eodem genere numerandus sit, videndum est. Legitur Cist. II, 1, 46.

Di me omnes magni minutique et patellarii

Faxint, ne ego vivos dem suavium Silenio,

Nisi ego te tuamque filiam meque hodie obtruncavero.

Nihil hic de scriptura disputabo. Sunt enim versus mutili atque lacunas notavit Pareus. Id tamen certissimum est, distingui deos magnos, minutos et patellarios. Atque hi, qui infimi minimique dicuntur, Lares et Penates esse putantur „quibus in patellis apponebantur epulae, et qui patellis colebantur, non pateris.“ „Vel ita dicti a piscibus minutis (!), qui in patellis apponebantur, non in pateris, quemadmo-

dum tibi tenuiores et viliores." Ita Lambinus, contra quem primum mihi monendum est, dapes namquam pateris appositas esse, sed lancibus vel patellis, easque non parvulas fuisse omnes et viles (quales fuere *Cumanas*. Mart. XIV, 114. Horat. Sat. I, 6, 118.) sed grandes quoque et pretiosissimas. Deinde quamquam Festus scribit *praesertim Laribus Penatibusque* in patellis cibos esse oblatos, tamen etiam diis magnis sacra fiebant iisdem patellis. cf. Virg. Georg. II, 194. Ovid. VI, 310.

Fert missos Vestae pura patella cibos.

Igitur quum non propriae fuerint patellae Laribus, non credibile est, Plautum nomen inde diis fecisse. Scimus autem patellas aliaque quibus sacra fierent vasa, -ut pateras et turibula, ornata fuisse sigillis ac simulacris deorum, Cic. Verr. IV, 21. *Nam domus erat ante istum Praetorem nulla paullo locupletior, quam in domo haec non essent: patella grandis cum sigillis ac simulacris deorum; patera, qua mulieres ad res divinas uterentur; turibulum. Haec autem omnia antiquo opere et summo artificio facta. Ib. cap. 22. apposuit patellam, in qua sigilla erant egregia. Iste continuo ut vidit, non dubitavit illud insigne Penatium hospitaliumque deorum ex hospitali mensa tollere. Sed tamen — sigillis avulsis reliquum argentum sine ulla avaritia reddidit. Iam non est omittendum Alcesimarchum Silenii amore scurriliter insanientem et per totam scenam maxime autem in obtestatione deorum inconditissima quaeque effutientem, non videri*

ario tria illa decorum genera constituere, sed ridicule
haec quoque dicta esse. Fortasse igitur signa deo-
rum respiciens, quae in patellis fuerunt minima, mi-
natis diis patellarios subiecit.

Postremo nescio an etiam aliquo certe modo in-
ter artis opera habenda sint tapetia, quae commemo-
rantur Pseud. I, 2, 14.

*Ita ego vostra latera loris faciam ut valide varia
sint,*

*Ut ne peristromata quidem aequae picta sint Cam-
panica,*

Neque Alexandrina belluata conchyliata tapetia.

Ita scribendum videtur, licet in Palatinis sit: *consi-
kata*, in quibusdam *consulta*, Stich. II, 2, 54. adeo
consuta. E *conchyliatis* facta primum sunt *conciliata*,
atque inde natus largus errorum proventus. Sunt
autem *conchyliata* tapetia *conchylio* vel *murice* tincta
ut apud Ciceronem, Verr. IV, 26. *stragula vestis con-
chylio tincta*. Quae quum praeterea dicuntur *belluata*,
pertinet hoc ad artem illam Alexandrinorum, varias
belluarum et monstrorum formas, quae acu pingebantur
in peripetasmatis Babylonicis, in textili opere
imitantium. Aristoph. Ran. v. 937. sq.

*Οὐχ ἱππαλεκτρύνας γε, μὰ Δί', οὐ τραγέλαρους
ἄπειρ σύ,*

ἄν τοῖσι παραπετάσασιν τοῖς Μηδικοῖς γράφουσιν.
cf. Pac. v. 1177. Cic. Tusc. V, 21. *collocari iussit
hominem in aureo lecto, strato pulcherrimo, textili stra-*

gulo, magnificis operibus picto. Et fortasse Campanica peristromata ex eodem genere fuerant.

En tibi locos iam omnes, in quibus alia opera a Plauto narrantur. Nihil praeter haec ne legisse memini, quod accedere possit exiguo saepe numero, nisi forte Appellis atque Zeuxidis commemorationem, (Poen. V, 4, 101.) aut anulorum signa (Amphitr. I, 1, 266, Curc. III, 54.) et Polymachaeroplacidae symbolum (Pseud. II, 2, 54.) aut denique Simonis postes, (Most. III, 2, 135. sqq.) desiderabis. At ista neque explicatione indigent, neque ulla ex parte antiquitatis cognitionem augent. Iure igitur tacentur.

E r r a t a.

- p. 14. v. 2. l. ancipiti.
- 33. v. 3. l. segni.
- 34. v. 3. l. *ἐόρων*.
- 48. v. 24. l. codicillorum.

3 1 21 21
 4 1 16 47
 ul. 3 5 36 15
 3 5 42 17
 Rauch. 1 1 57 14
 1 1 75 8
 1 2 40 17
 $\frac{2}{2}$ $\frac{2}{3}$ $\frac{14}{45}$ $\frac{13}{5}$
 3 6 41 16
 4 4. 22
 4 7 17 9
 4 9 4 7
 4 9 94 13
 5 1 11 12
 5 1 25 24

Gpt. 1 2 32 16
 1 2 67 13
 5 4 4 15
 Cas. 5 4 1 25
 Gist. 2 1 46 49
 Epid. 1 1 11 11
 3 1 13 15
 3 4 27 15
 4 2 27 25

Men. 1 2 34 47
 1 3 2 13
 2 1 10 16
 2 3 82 15
 5 3 12 13
 5 5 38 30...
 5 8 76 13

Merc. 1 2 52 26
 2 1 32 36
 2 2 42 42
 2 3 46 16
 5 1 10 7
 5 2 91 26
 Mil. 2 2 18 12
 2 2 68 15

1 3 48 8
 3 2. 21.23...
 Pers. 4 4 3 12
 Poen. 1 2 9 12
 1 2 61 7
 1 2 64 16
 Pfeu. 1 2 14 51
 Trin. 1 2 46... 30... 46
 1 2 55 6
 2 1 16 15
 $\frac{2}{2}$ $\frac{2}{4}$ $\frac{1}{20}$ $\frac{12}{15}$
 2 4 32 17
 4 1 10 13
 4 2 28 15
 Truc. 2 3 7 9
 3 2 17 13
 Stich. 2 2 54 51

Pho
Pa
E
Gay
Syrac
PAT.

Becker, W.A.

Antiquitatis Plantinae.

829014

768
B39

829014

THE UNIVERSITY OF CALIFORNIA LIBR.

